

秋澗先生大全文集

八

關化圖書館
Kuanhua Library

開化圖書館

Kaithwa library

開化圖書館

Kaichua library

開化圖書館

Kaishua library

秋澗先生大全文集卷第二十七

七言絕句

過文貞宋公墓

廣州去闕幾千里中使嚙恩信貴僚莫訝簡驩無一語太平勲業見風標

沙丘宮

齊梁霸趙何雄壯探轂回鋒遽懦庸千古興亡酷相似武靈而後有莊宗

栢鄉道中

聯鑣時喜笑談開不覺淒風漲百埃曉日迫亭橋畔路青山一道柳邊來

大都小雪時聞兩廣捷至

雪翻廣栢飄梅粉雲覆宮牆抹竹煙預為新年傳喜

夜到甘泉

宮杖亡宋物也左丞姚公以

上所賜出示坐客故有此作效王建體

六宮催上木蘭舟百色輸來不敢留親見紫宸新製
杖金盤龍地玉虬頭

過中山府

紅旗鐵馬響春冰儒將清邊世莫驚遼吏不知澹泊
險使來先問二蘇名

過梁門

漠漠蒼溟海氣霾銅梁北照遂城開不知陂漲能遮
甚萬騎瀟索戰來

毳幕卓歇圖

牙旗風軟馬蕭蕭
渭水歸來氣更豪
想得龍沙西北
道際天秋草黑
山高

題花光墨梅二絕

蜀僧超然字仲仁
居衡陽花光山
避靖康亂
徙江南之柯山
與叅政陳簡齋
並舍而居
山谷所爲研墨
作梅超凡入聖
法當冠四海而
名後世嘗有移
船來近花光
住寫盡南枝與
北枝之句
其丰度可想見矣
趙雲夢題云
如王謝子弟
倒冠落佩
舉止歇傾
自有一種風
味
蓋前朝高丞相
家物
暗香疎影
溪雪春風
四圖
今失其溪雪
見爲宋漢臣
所收
僧號花

光道人東坡山谷少游皆有贈詩

滿溪明月影扶踈只枉緇塵點雪膚展放畫圖還記
得孤山離落漲西湖

破墨能開雪裏芳道人花供老猶香移船要近花光
住笑教涪公有底忙

裕卿李兄來別復效樂天體以贈

晤語從游喜任真玉堂僧舍幾相親河梁莫厭重携
手明日共爲千里人

題朱彥暉三陪手卷

謂木庵陪飯實漢卿陪針陳
學士陪口也陳時可字秀玉

余年五十覺籠東左臂偏枯右耳龍耳說道燕城陪手
客此針傳授到朱公

江村訪友圖

江東宰相說風流
賈嗣吳潛果孰優
今日國土出時須來訂
晉陽秋

廉公作牧古無雙
聞道旌招別楚邦
何計挽留我似來謀及鹿門龐

兩掾茆屋枕江濱
扶履來敲月下門
不是愛梅多看竹
冷香踈影坐黃昏

韓幹畫照夜白圖

開元天子燕遊多
一骨承恩玉色瑳
所養自來非所用
雨中蜀棧要青驪

纓紱騶衣一色紅
玉華光照苑門空
昭陵六駿秋風裏
辛苦文皇百戰功

沉香亭下牡丹芳
宮漏穿花夜宴央
輦路傳呼停鳳

燭內家歸詫王麟光

松憲雜錄云開元中明皇嘗乘照夜白與太真妃賞牡丹於沉香亭

政捐金鑑九齡歸聲色糊塗醉不知天意種深天寶禍故生尤物配妖姬

題何侍御所藏雪霽江行圖

雪霽澄江照眼開常年十月蔽兵埃而今風物真堪畫滾滾行商兩浙來

栢臺霜信肅江楓寒入黃茅瘴已空一線暮江春雪外枉將新意詫清雄

炎瘴消殘一雪餘勾吳無地不亨衢江山正要燕公筆却點驟網入畫圖

滕王蝶蟻圖

劉侍御家藏

兩翅輕翺暈粉金內人無計撲羅襟南昌閣底花如

霧迷救春香一寸心

槐壤紛紛事暫歡枕中栩栩伴周閑丹青欲識滕王
意須着人間比夢間

粉香金翠夢能甜細寫春棕入筆尖却恐尋香飛便

去六宮爭下水晶簾王建宮
蝶詞有傳得

夏日玉堂即事

悠悠時事百年心歲月徒成昨與今萬一寸長能及
物不愁華髮已盈簪

失時已抱周人恨濟物長深求叔懷鈴索不鳴朝日

靜坐看簾影轉苔塔

世願登瀛不作卿玉堂更比憲臺清只緣白獸樽中

醴當日元王為穆生

陰陰槐幄幕閑庭靜侶藍田縣事廳細草近綠春雨
過暎塔侵戶一時青

日長上直玉堂廬思入閑雲待卷舒重為盛時難再
遇等閑羞老蠹書曰魚

故開府儀同三司中書左丞相贈太尉謚忠
武史公挽詞有序

維大元國至元十二年歲乙亥二月七日

中書左丞相忠武史公以疾薨于位訃聞天
下痛悼嘆哲人之云亡哀斯民之無祿在某
又有感焉而不能已者初壬子歲公受封於
衛其年秋來視師某以諸生啟事上謁特曉
焉錄用實資藉之俾進其所未至以需

逮中統建號之明歲公入當鈞軸時某掌記
中堂館門下者半歲首奏擢除翰林修撰兼
內省都司既而以事註得公辨明免歸至元
改元總尹都督移鎮東魯辟某克幕官遵公
命也公之意蓋欲革舊事行新用也九年壬
申錄御史得調平陽謁公授疾去曰若綿歷
頗久同列貴和餘復何云年明朝議經制南
伐詔公開府襄州節制諸軍又將以僚屬召
尋輿疾北還事雖不果於菲薄寔加重嗚呼
昔韓愈從事汴州於隴西公有倦倦不忘者
在裴中令為可知不肖某何敢望昌黎之清
光而忠武勲德為世宗臣遠邁中令而某也

始終沐公裁成如翼使聲光燭耀於時其感
戴當何如哉一旦遡大樹之悲風痛吾儕之
安仰此李平廖立淚下而霑襟者也爰賡薤
露之歌用表素旂之末前十章頌公德業之
萬一後五章攄平昔願遇辱知之厚傳武侯
於近代敢躡蹤張拭之文焚貞克國於麟臺庶
張本揚雄之作尚冀

神靈鑒茲誠悃其詞曰

補袞功深作帝箴片言能霑萬方霖白頭無地酬知
已重爲蒼生淚滿襟
寇鄧高勳上將材丹青圖畫冠雲臺舉頭納納乾坤
大辛苦中原百戰來

南臨江漢北無垠英衛軍機祐預仁百代盛從青史
見漢家群后有元臣

遺表陳情不及私南征無嗜殺為嬉身雖不覩吳平
後羊祜恩威有素規

元勳高在麒麟上曠度初無智勇名欲見令公陰德
厚一門八子總公卿

幾年黃閣見調元福浸蒼生奠枕眠兩號改元幾二
紀不交波及海南天

闡節堂堂五路尊繼承諸姪動天閣推恩不為夷齊
讓要慰先臣地下冤

身後論功誓不磨德韃高塚鬱我差千年零落丘山
底忍聽唐鏡作露歌

上計歸來愈謹忠又從潛邸識

真龍十年浴鳳池邊玄夢不到歌鐘甲第雄

逆齋節制竊桓丈鱸鬣翻波海氣昏堂上有兵能制

勝一言料死苙中豚

時子都司中堂公聞逆壇突入濟南有
論入圈無能為之句至成擒竟如所料

先皇登極公封衛賞識初緣啟事陳二十年間門下

客愧無椽筆贊經綸

昂藏綠野堂前鶴飲啄當年在鳳池一諾見推連省

署九泉埋骨荷深知

中統二年余在上都
公館馬日陪侍左右

幕圍火烈燕巢傾北際誰能託死生一語保全微命

去聖安方丈記辭行

拂衣歸去老田園木屑筠頭苦見憐尺一起為蓮幕

客東平門下又三年

征南開府控襄州舒也何爲預唱籌報德愧無千字
誅峴山南望淚空流

萬壽節同宋太常弘道出左掖門口號

禁漏穿花夜已央宮槐籠曉色蒼蒼
日先到紅鸞扇影光

隔夜端門分板位平明簪笏列鵷行
拜潤入金爐百和香

羯鼓聲高吹管清九天合作鳳鸞鳴
侍儀贊唱三成後磬折齊呼萬壽聲

花映崑廊近紫宸官官行酒過三巡
共携滿袖香煙出散作都城十日春

對品班分玉筍行一時望拜殿西廂
百官燕出宮闈

靜踈兩濛濛濕建章

過王太師廟

在壽張縣西三十里

老雨莓苔滿露臺野棠花映廟門開地中鐵戟消沉
盡時有陰風樹杪來

題開州驛亭壁

井序

昔有宋之三葉也遼人大舉入寇南抵澶淵
有併吞席卷之勢堯叟以蜀產主議西巡欽
若以吳人請狩建業社稷安危在此一舉萊
公審執力明料敵果挺不拔之忠任投瓊之責
奮而不顧身竟夷國難當特遼舉國之兵膽已
隋公北狩一言奚待斃死延壽一矢之力也庚
申秋予應辟東魯道出是邦按轡周覽想河

流之奔洶仰壁壘之雄峻斯亦宋之金湯也
遂盤礴回鑿碑下慨然有懷古人臨大節處
大難曾中素有所定不然淮陰以漢中畧對
烏得還定三秦武侯以南陽一論遽能西取
劉璋東向以爭天下者哉

幸蜀巡吳避銳鋒竟從孤注就天功千年草木餘威
在野老猶能說寇公

顯宗畫三教晤言圖

兩晉玄風倡永嘉晤言新意出承華後人莫作無同
論剖破藩籬即大家
微言初不出吾書正恐雄誇涉誕虛坐上若拈花葉
問發端當自仲尼居

承華宸翰日重光大定聲明有父皇若以撫軍監國
論長沙書疏未容忘

緇衣蔽路樂清修羽客談玄日自由眼孔倍怜吾輩

小終年平地看錢流

為儒戶印造寶鈔

鬢鬢絲禪榻喜相依休問珠英果是非已着孔林殘照
重裏青衿漸染變緇衣

徽宗臨張萱宮騎圖

缺胯頰衫玉帶圍駿華翻影下瑤池老徽筆底無留
思貌盡春風出閣儀

碧暈紅細思有餘較來經國太工夫大風歌裏雲飛
遠不畏高皇笑殺渠

戊寅歲燕都元夕

萬家簫鼓憶升平
九陌銀華璧月澄
此夕薊門南北
望風簷隨分兩三燈

九齡忠諫圖

挺笏摧姦論已萌
帝心唯恐悞忠貞
開元所事呈來
足只欠成都萬里行

樂土宣鷄鵲圖
宣和畫工

彩羽暈明照影閑
蓼汀沙暖睡初殘
擊揚寄謝霜空
鷄輸與江湖百頃寬

四皓圖

山中日月到華胥
月澗飲芝餐
樂自殊
苦被留
侯容不
得須教人彘事相汚

送南冠徐子懌兵后還武昌

卧老盧龍塞下春故鄉心緒異鄉身燈前一展平安
 報照眼清江月近人
 故里依稀竹樹煙白頭此日是歸年多應秉燭東湖
 夜夢裏相看一泫然

王摩詰驪山宮圖

安遠門西萬里餘耕桑煙火總民居只應勤政樓中
 夢百倍華清樂不如
 憶昔風流王右相開元親侍玉堂廬細吟凝碧池頭
 句政恐丹青是諫書

跋張龍丘簪花圖

醉吟賞盡洛陽春老與坡僊作近隣未礙一枝長在
 眼靜庵方寸本無塵

龍丘子晚居黃岡號靜
居士與東坡為隣

荆氏周急圖

九縣飈馳到杞天禾厘墜擲比山豈容全指困能繼前賢
舉亦是農家識事權

宣和梅蘭圖

暈碧裁紅奪化權冰姿芳魄鬪春妍只應五柝宮中
夢不到幽香淡影邊

木有寒梅草有蘭色香宜作一圖看曾憂荆杞生庭
戶歲暮芟夷有至難

題張寶臣手卷

華裾織翠萬金身名動春坊劔字新全侶當年天策
府經綸王業半儒臣

跛船子和尚圖

戢戢波間萬鮪遊一鈎那得盡廻頭何如收却綸竿
坐明月千江任自由

漁樵閑話圖

艤舟弛擔兩欣然千古興亡話眼前忘却前溪歸路
晚暝煙橫合碧山巔

觀稼

朝餐不再腹爲虛多稼雲連仰兩濡今日東城看佳
色愈知糞壤是金珠

今年新桂米量珠日聽閭閻有殍夫縱使積金高北
斗不知能濟此飢無

煙鋪雲委泛晴光平遠風來粒米香鄒孟最深王道
本徑從五畝論耕桑

雨後看山

西山盡日塵土面一雨晚來膏沐容晴霽最堪圖畫
靛白雲零亂點高峯

竹林七賢圖

森森煙玉太行秋七子倘徉結勝遊笑殺阿戎真俗
物出山能幾執牙籌

魏晉清談倡若徒永嘉東播洛為墟大書不削陽秋
筆更着丹青詫隱居

讀文中子傳

書成復性才稱訓道見原人本自文聖學操存元不
易白溪猶有淺深分

山壑萬松圖

卷十七
二
髯龍落落不凡材萬壑蒼煙鬱鬱未開絕侶澗阿幽隱
士苦嫌塵土不歸來

巖風謾謾泛秋聲展放橫披眼便明酷似龍門山正
北兩崖陰合記經行

大厦歌傾要棟梁萬材於此鬱蒼蒼正須叮囑工師
輩爲捕爲攘細選量

構厦先論大匠賢
未搆椽闌不相捐何當剪伐長材
外乞與坡仙作畫煙

讀開元天寶間事

庭燔錦繡初年事矯枉情過久復歸鄒孟一言垂至
戒大臣無切捨君非

常山不屈平生節中令能明死後忠未若廣平還具

眼當朝終不賞邊功

李龍眠二駿圖

突嚙相忘絡腦西羈沙平春靜草淒迷後人莫作丹青
看特為南華釋馬蹄
遼夏尋盟靜塞鹿駟歸逸華山雲當時驟牝三千
匹辨與龍眠策畫勳

侯庶相病

詩書素業清時樂草木平泉四季春識取相君無妄
疾自來憂道不憂貧

金華恩眷見來深李泌初無富貴心琴囊裏南風如解

愠正煩吹起傳岩霖

一作況是感雲能寸
台肯教空作傳岩陰

當年匹馬走雷風氣壓秦川百二雄今日露花攔檻

底秋絲爭吐看青蟲
貧不能移貴不驕丈夫到此是雄豪何當慰滿蒼生
望卧看東山月影高

明皇按樂圖

羽曲調音到克諧宮中花柳四時開五絃儘有南薰
手却喚花奴解穢來

興慶宮池水殿深帝心橫潰溺哇淫讓白呈交愛情何
切獨為君王辨八音

逸圖零落御前幘心醉華清按樂聲擊損碧梧緣底
事促教秋雨劔關行

李伯時二馬圖

肉駿連錢汗血無絕足日與駑頑俱何當與馭彪將

解蹴踏逋孽闈東隅

承顏堂

舉世紛紛說奉承色窮愉婉古難能近因細讀蘇公傳眷戀庭闈有足稱

太子府戊寅夏六月廿日

千秋節同承旨姚公尚書許公行香口號

入朝已盡三嚴鼓禮佛重行繞殿香洞戶啓時宮燭迥五雲朝處少微光

前呈光彩日重輝幻海風煙動羽旗曲宜未終閑委

珮朶頤廊下看靈龜將入宮夜去夢一大龜飛舞余前

沉沉蘭殿寶香熏濟濟衣冠四皓賓識取元良無筭

壽斂時多福錫生民時奏傳運司

題沁州杜敬天醉經堂沁春秋時地名鞞
即文中子祖父故居銅川地

金沙霧散滿懷春總為從來味道醇
酣適愈深心愈樂不任括朽復何人

聖賢真味日陶然王氏遺書有正傳
河上丈人如見問却還糟粕到銅川

飲食誰非飽即嬉至論瓊味幾人知
六經奧旨醲於酒不到沉酣總啜醅

李相師詩并序

伏日簾垂坐卜蜀君平祿命雖高日擊道存
素客師人倫尤妙嵩嵒士李君術窺鬼眼
鑿洞清霄馳聲於京華二十年閱人於市樓

幾百輩多因勢解禁之說無虛高過喻之辭
待詔宮車屢承恩眷直氣曾驚於戶牖微
言預兆於機祥為賦新詩先書小亭

霧隱雲曠虎豹文眼中歷歷說承恩羨君風鑒何精
切曾博紅雲一笑溫

萬事心藏到隱微一言能發靜中機
聖皇臨御思賢切識取新豐馬布衣

過仁宗陵

道出黑石渡同宣慰陳慶甫遊仁宗陵後宋
人曾有詩云干戈銷弭歲年登邊將無功吏
不能四十年那忍說暗垂雙淚過昭陵親

倚蘭被路柏園城此日秋禾滿廢陵伊洛水南崧少
後丙午六月記來曾

題承顏堂卷

近讀程氏遺書論曾子耘瓜誤斬其根曾皙
建入杖以擊其背曾子仆地不知人事良久
而蘇欣然而進曰大人用力教參得無疾乎
乃退援琴而歌使知體康孔子聞而怒曾子
至孝如此亦有這些失處若是舜百事從父
母只殺他不得又問申生待烹之事如何曰
此只是恭也若舜須逃也前日題此卷詩意
偶與此合喜為錄附其後

小雅報勞天罔極南陔致養戒何深浚完并廩從多

故一順能全是舜心

題禮宗所題宮扇

拱手深宮四十年只將詩酒鬪清妍料應一片江湖
夢不到謝玄淝水邊

跋嘉祐熙寧間李昭珙所受告身三通

愛樹懷賢自昔然眼中真宰見羞肩有因思近代文明
寂無侶嘉熙慶曆年

跋秦王擒竇建德圖

天命人心已有歸怒虜抗獄欲奚爲自將五載飛揚
舉辦作秦王破陣辭

王昭君出塞圖

絕色當年冠漢宮誰移尤物使和戎流連不重君王

卷三十一
三
慾延壽丹青似有功用程晏論

朔漠風沙異紫臺琵琶心事欲誰開人生正有新知
樂猶勝昭陽赤鳳來

讀趙飛燕傳

木門蒼葢向夜開富平騶騎欲誰猜微行笑殺張公
子併引昭陽赤鳳來

題黠鼠賦後

鼠喻雄深過柳州竊時欺暴果誰尤惠卿未死舒王
在悄悄孤懷爲國憂

社鼠城狐固細微不勞區處動嫌疑何當論報堂階
下免使區區若輩欺

豺豕磨牙到暴殘容身應媿豕爲寇咄哉此輩何爲

者未用區區計回謾

黃峯蜂蝶圖

翅粉翻香卷鐵鬚
亭亭花影小華胥
黃生筆底留深
思似與齊丘釋化書
鳳輦隨渠即幸臨
隔花望斷翠嬪心
春風上下撲不
得飛過畫欄情更深

題劉君用可菴手卷

忤物能全古未聞
正須多可應時人
保身猶落婁公
後唾辱須防潔面噴

題樂天不能忘情圖

病來心事轉蹉跎
身外猶嫌長物多
况是春歸留不
得侍兒無用感雙蛾

里陌鳴珂歲月深柳枝清唱伴長吟一朝並逐春風
散却是維摩示病心

悲鳴駱馬莫回頭說似余情久倦游滿眼清伊石樓
月杖藜來往亦風流

龍門八節鑿來平千首新詩貯佛經只為暮年無可
做又留公案入丹青

青衫憔悴老江州放逐歸來萬事休正有醉吟情未
減又翻新樣柳枝愁

春風不到身冠霜甚是溫柔與醉鄉展放畫圖還自
笑鬢髮絲先比樂天蒼

年四十二
髮已半白

題醉仙圖

瑤池清燕世空聞想像仙桃物外春盡史恍從

見丹青貌盡醉時真

等是高陽舊酒徒醉鄉真樂到華胥不然有口難言
際同向春風倒一壺

何物諸人作恹顛眼花落井口流涎滔滔總是胡毋
輩強着冠巾作散仙

公堂即事自箴

兩衙相並無尋丈一處繁囂一寂然間有事來還徇
却俯慚於地仰慚天

門帖子

不期北里富薰天

羨

中朝日九遷喜見上旬壬子

會大家豐足過今年

四日壬子

題杜氏近仁堂

青青庭草我何殊物體方苞戒薙除致養此心能類

長一軒和氣際堪輿

一作一天生
意見方輿

我欲斯仁仁即至主人此理又相安兩椽寓舍中堂

後莫作王孫火竈看

心德由來萬善宗舉斯加彼即冲融不須苦向遺編

泥收取平時濟物功

漢署郎曹寔要津不移居養幾何人粹然一點慈祥

氣辦與人間作好春

嫂趨井坎爭援手牛爲穀觶免饜鐘天理在人曾問

斷多君操守便從容

顏子拳拳善服膺豈徒歸美重名稱寥寥此意千年

後復禮名家見杜陵

博愛功多到靖深虛懷猶用近為箴煩君試閱金華
事何限當機利益心

跋燕肅牧羊圖

行飲溪流喜降阿歸鞭影淡夕陽坡侶將澌澌維千
角辦作宣王考牧歌

平秩東臯事有餘荒煙平楚散林墟牧人例有繁多
慶簞底秋江夢衆魚

題溫居士畫像

盛集賓遊每會逢笑談端有古人風如公耆舊今能
幾又逐秋江月影空

太真風彩動并門處士流芳寔裔孫今日坐看磐石
上老成雖遠典刑存自晉溫
太真之後

題魯人張仲和鄉舒嘯亭手卷

蟻穴蜂衙開事機人心無路到清夷
儵然笑煞東皇客月白風清世不知
千山秋月照螺臺兩叻清風萬壑來
吹作半空鸞鳳去公和元是不凡材

已卯清明日雜詩時巡按南京

東風吹靜鎖窓塵落盡桃花別有春
一樹青梅老小湖山畔翠娥顰

早衙例向中時散宿酒禁持到日西
步繞芳叢見閑情還與碧雲低

千門萬戶記經行瓦礫場中問舊名
一片月照人依舊十分明

散公堂日昃西暮雲樓閣自高低呢喃何處飛來
燕侶為巢新快穩棲

雪安紅翻點綴春桃花錦爛柳條新那知春事都無
意燕子爭來強語頻

我近南來石濟津暖煙晴日欲烘春自從入得清明
節連日春陰端教人

汴梁清明

連日風沙此日晴東君有意作清明垂鞭醉入宮城
去一片傷心畫不成

寒食日過隆德宮

當年陸海駭瓊藏此日繁華墮渺茫春草不隨人事
換依然分翠入宮牆

題孫郎中孝友峯

小穿沙鬪到玲瓏抵事題為孝友峯長着紫荆庭樹
影鞠哀天顯表冲容

館史開府第宅

石欄春靜兩留苔江漢堂深又獨來前日平泉門下
客一花一草總興哀

宮墻

一片摧頽當道危風前竹色想依依偶逢白髮宮前
叟指顧因渠得禁闈

秋澗先生大全文集卷第二十七

秋澗先生大全文集卷第二十八

七言絕句

故宮遺石

華陽遺宮土花碧依然萬石如林立憔悴崩雲偃月
姿留與都人作寒食

至元十六年蕤賓前二日同賈漢卿遊上方光教寺謁相上又不遇因賈往年留題五詩清新婉麗煩襟為灑然也亦留詩壁間仍用其韻為鑑堂一笑

紺碧亭亭午影涼同來共坐贊公牀拖條拄杖誰家
去借問山僧有底忙

出處何心燠與涼適來真是兩繩床分司不作埋輪

去虛抱乖崖救火忙

古寺僧殘草木深寶香猶足散煩襟雪窓不到聞猿

句幽鳥還驚恨別心謂漢卿明日北歸

萬事無端起六根蟻旋蜂閤苦紛紛間來莫厭僧窓

話暝坐團蒲到日曛

花木蟬房一徑幽生平竒勝愛窮搜入門便得清涼

界信有人間六月秋

間間公正大二年為慈聖兩宮重修寺碑說寺蓋

夷山之地唐令狐楚愛其竒勝曾居於此塔係唐

新羅僧智照用海船運新羅琉璃甃所建

閒人愛作靜中忙細和新詩步繞廊老衲向人誇水

異一甌春露兩花香

流杯池

九曲彎環碧玉園錦香吹浪下龍池一觴脩禊宮中
舊正是梨花雪滿枝

太白捫月圖

詩中無敵飲中豪四海飄瀟一錦袍千丈醉魂無處
着青山機上月輪高

閔次子秋山圖

五年官守晉州城伐石堙山日有程展放書圖還憶
得姑山黃葉正經行

李白醉吟圖

長庚風彩月爭輝力士傍無識子儀白壁莫嗟疑有
玷夜郎風物要新詩

題蘭廣寧望海寺詩卷後

同年樂用之為錄二詩贈仁甫縣令

金到明日昌事事新粹然一氣變斯久試吟望海樓中
誅轉見飄飄思不羣
遠懷世契密明德通述先猷極孝心舉世泯然表俗
裏兩家風誼見來深

紫陽觀雜詩和西溪嚴韻

袖裏丹砂照夜紅市人爭識漢壺公羽南都花木春猶
好長在先生杖履中

心安已契長年誥道寂能開不二門我亦靜中存夜
氣此身之外欲何存

終日沉迷簿領中乘閒時過紫谿公羽請師莫作功名

看心似浮雲度太空

片言理到釋群疑不待諸生入管窺收却藥籠無箇

事一簾春夢落花知

坐忘不戴遠遊冠是是非非了不干欲識紫陽存養

力一簪玄髮頰浮丹

縕細元氣化雖精起滅漚如一唾輕為問壇邊聽經

鶴人生何苦未忘情

余年齟齬出京師想像繁華夢覺時前日石壇揮塵

處故宮真似黍離詩

昌黎一序了仙翁六絕西溪意匠雄從此夜牕虛白

滿滌除玄覽見冲融

一壺大地市朝間施藥歸來盡掩關幽睡不知紅日

晚青山誰似白雲間
壞壞槐宮蟻戰空銅駝陌上幾秋風一身歸潔何難
有人重清時濟物功

宮井七絕

團團鴛鴦露盤秋玉潤砂紅湛碧流多向內家供頓
後餘甘翻麝入茶甌
野粉侵淫暗添花玉床零亂卧泥沙羸瓶敗綉初無
擇波及都城十萬家
高梧陰幕掖庭西清比中冷甘比飴今日道傍塵穢
滿秋娘憔悴渡江時
清時瑤殿引瓶金百尺還聞墜水音想得日長宮閣
靜玉盤瓊果看浮沉

金屑離離泛曉光
瀛池通氣濕嬰香
六龍不挽清波去
忍給吹脣燕御牀

事事宮庭到可珍
我因懷古故來頻
一泓雖在當時水
終似上陽白髮人

行入空宮重嘆嗟
倚天金碧墮塵沙
景陽留在胭脂井
似與都人續夢華

後三絕和西溪韻

武元直雪霽早行圖 謝宣慰

亂峰疊嶽王陵增
危棧何人趁早行
似我姑山新道就
神居東崦聽鷄聲

官平時開姑山道甫成

夜雪大作

雪擁天山六月寒
冷雲西北是長安
行人馬上揚鞭喜
猶勝南荒作熱官

侯敬甫四題同西溪賦

昊天報德詩人感號慕終身大舜心舉世靡然衰俗裏一家追遠見來深

怡怡和氣滿春臺天顯曾忘鞠子哀說似升堂興起客功夫元自孝思來

友于堂

德積于身報自豐君家培植見深功友于堂下看株樹漸與三槐氣象同

種德堂

紛紛萬變一心微止水能澄見是非客去妙觀尤有得滿簾春日靜朝暉

清心堂

跋唐申王畫馬圖

內府曾觀鐵筆驄又於此紙得真龍却疑決電奔虹異不到少陵題品中

題劉平妻胡氏殺虎圖

獸猛其如義烈何揮刀峻絕魯陽戈
哀哀哭絕東山婦恨入秋空淚謾多

重陽前三日全大季長畢茂先酌七賢祠
下

滿眼青山落帽風七賢祠下一樽全雲煙
顧盼來能幾白髮相看總老翁

蓮社圖

莫恠淵明從遠公鬢絲禪榻偶相同
談空說有知多少都在龍眠意匠中

二教玄風盛末嘉後來諸子更紛拏
淵明興在東籬菊獨泛秋香亦自佳

一誕相誇陷洛郊流傳江左到滔滔
杖藜首見淵明

畫裏龍眠意取高

贈唐縣李縣尹

按部次堯封教官石雲卿來訪因話縣東
有前郵尹李君年六十四雖武人性喜學
已卯夏自浙東歸載羣書滿家將遺之子
孫以疇夙志吁可尚也余聞之喜而不寐
明日元旦躍馬來觀出經史子集及未見
書七鉅箱凡千有餘富覽間偶得是詩
以贈謂十室之邑必有忠信者李君
人諱忠字彥德縣人為蔡國公將

事來向王充閱異書

田間炬草照西東止是農家十歲豐不為兩掾茹屋

底白頭還得愛書翁唐之農家元旦然東草於

庚辰歲唐縣元日

堯封今歲遇新年欲訪遺風已渺然願效老人三獻

祝至元

天子壽如天

吾皇仁聖邁唐虞寬大恩頌歲首書正擬乘風開濁

浪忽隨疏網漏凡魚

宣和珍禽圖

紫烟阿閣鳳連巢瑤圃飛翔下絳霄踏散木犀花上

露翠襟丹咏不勝嬌

和唐邑教官石雲卿見贈詩韻

自笑鉞刀效至剛
夢中揮箠走群狼
東皇若假春風

便放使諸山草木香
已卯除夜次 簪揮之皆四散而走

又見一豹無首前廢

完州道中

使符按部喜同分
首自行唐入保垠
誰着分司王老

子杏花香裏過今春
是年同出巡按官韓君美梁韓二簽事大使

過蔡國公第宅

南衙路斷歸時貴
東第堂空設總帷
鉅室頭知神鬼

瞰一簞顏巷未為悲

庚辰歲人日前一日書夢中所見

碧樹翻香滿洞春
一轂長笛隔花聞
似嫌燕語鶯鳥吟

碎暖噴宮音過夢雲

題木蘭廟

廟榜曰孝烈將軍在今完州城東北隅至元庚辰正月十日來謁土人稱昔木蘭戰此得功故廟有熙寧間知軍事河南錢景初題記并所刻樂府古辭

春風奏凱入明光不願曹郎歸故鄉今日西山見遺廟蕙蘭根異死猶香
迷離撲握雜雌雄萬里持戈此建功因見漢家征戍重盡興問左尚秦風

登完州城樓州是古北平又曰永平即漢曲逆縣地故城在今州東廿五里即高祖

卷二十六
云余行天下見戶口夥繁獨此縣與洛陽
尔故城西南有大垠土俗相傳為陳平墓
土人徃墓曰垠

漢家山東二百州當時繁夥此為尤朝來指顧城樓
上斜日荒煙草樹稠

望郎山有懷却陵川

太行鰲掀東入海鼓鬣高撐霄漢間一自詩仙黃壤
隔風雲空鎖碧峰間

張九元帥哀辭并序

不肖與公既昧平生哀誄有述似涉無從
然聞公幼敦詩禮長識風雲雄畧英姿為
時名將始徇江淮厥績已著及平二王雋

功獨高壽年未遐天遽奪去故作是詩于
以為國哀而寓天下之所共惜也辭曰

摩海波澄戰血紅歸

朝無幾病籠東吳時惇史論書法當與將軍死事同
盛說將軍禮度寬訃聞中外不勝酸可能秋月臺前
詔便作悲風易水寒
英姿颯爽戰酣來夢裏神交一喙開弓劍永隨秋草
沒春風吹恨上金臺

一曲鏡歌變八哀扶桑宿霧若為開我雖不識將軍
面苦聽輦聲惜將材

蔡國高勲上將壇九郎又領俊功還遠教零落蛟龍
匣千丈神光失斗間

曲中有候時為顧特見已丘蘊藉姿不似九郎橫槊
裏笑驅風月入新詩

堂堂萬里常山陣首尾橫穿海道空凌屋未圖元帥
像樂歌先奏二王功

前日長歌入漢關今年埋垠九重泉應怜一段江山
秀再到人間又幾年

劍騎前頭揭認旗風飄笳鼓入雲悲眼中部曲渾依
舊不似樓船入海時

標柱紀功超漢將臨江觀陣惜奇材更憐一片金陵
月冷送哀声萬里來

風吹大樹日瀟瀟椎畧無由覩嫖姚暴骨莽如天似
悟不容勲伐蓋東遼

風翻素縵天為慘柳拂朱旗露易乾
雞水不供門客淚郎山空倚戟
友寒水邊臺榭月邊樓
甬逝彪亡共一立羽扇冷隨秋月
暗銘旗高颺竹煙愁

保下春夜

金臺池館錦幘圍煙柳風荷蕩碧清
景物縱疎猶可愛盡舡春水放燈時
諺語新年百草靈燕遺襪襜闔多能就
中兩地風光盛東府風為保下燈

題抱陽山張燕公讀書堂

在完州東北廿里

富貴功名恐等閑丈夫臨事節為難
挺然不附姦巨請似覺功夫出此山

書龕高倚抱陽雲萬壑天葩發異芬莫訝相君潛伏
久東封西祀要鴻文
凌閣勲名煥日星豹藏於此貯精英江山萬古風雲
筆未覺前賢畏後生

贈孤月老

明月靈臺到炯如清光元比衆星殊豈知影落千山
底以德看來本不孤
携筇偶入贊公房照眼驪珠夜有光臨水起亭他日
事為渠題作墨君堂為觀蘇黃三公手簡真跡者數幅

祝香保定文廟

泮宮絃誦育多才視作尋常事可哀羣吏近靈閣侃
色正緣文廟講書來

遊張將軍山林

至元十七年二月朔同苟嘉甫尚文蔚遊
保城東張將軍山林置酒松臺因話郝奉
使朱家洲事

亭圯臺傾老樹欹夕陽淡淡鳥飛遲一樽細話朱洲
事天道幽冥未易知

跋雪谷早行圖

壺口山深石徑開六花一夕泥浮埃披圖憶得經行
事夜半盤車下嶺來

題武遂朱君挽章後諱和字信之

簿領微勞到贊襄政圖真見此心良更將一片西湖
水波及奎郎見不亡吏業出身子公奎字君璋

新安道中

長陂極目麥青青
揔是當年鴈鷺汀
二十四橋春水
外野人指示望鵝亭

官舍即事

酴醾點雪柳垂絲
簾映虛庭淑景移
八尺風漪紫藤
滑清和天氣未暄時

題節婦盧氏銘後

節婦墳臺悼陸南九原
不化是貞心儼然一片松陰
石只與西山共古今

祁陽道中

鶯啼花落已無春
四月田家更可人
雨後老農催種
早風前紅袖採桑頻

行人不為送春忙
一雨千林草木香
馬上綠陰三百里
直看春種到祁陽
一春勸課歷郊墟
路入祁陽氣轉愉
夾道錦鞵州太守
隔林紅袖趙羅敷

題孝感聖姑廟壁

分司巡歷帶農官
來禱靈壇為歲寒
一炷寶烟神意暢
祥飈吹下鳳雲冠
仙去清溪事渺茫
女功留在故園桑
春風蘋滿汀洲綠
吹作凌波步鞵香
卒歲誰能不製衣
為蚕來禱聖姑祠
何當雲葉翻香雨
潤入柔桑綠滿枝

題董左丞墳林

大樹瀟瀟綠滿林
蒼烟埋沒石麟深
兔葵難道無情物
猶學將軍捧日心

南海揚旂開百越
北風漏網有奔鯢
多應奪去忽忽嘆
斜日宮中聽鼓聲

董相墳林南董里
九門東下橐城西
千年孝繼忠傳業
萬字豐碑看御題

明皇私語圖

人老逢秋百感催
夜深私語自為媒
祇知海嶽情緣在
不道生離有馬嵬

盈盈一水隔双星
不似行雲侍錦幃
歡樂幾時憂思集
碧梧秋雨待君聽

秋滿驪山有所思
海棠紅盛鬢華滋
細思夜半銀幃

語揔是三郎嫵媚辭

戲題階前玉簪

露影幽香濕畫簾美人睡起未全忺只疑冷墜搔頭
玉月暗雲階欲悞拈

題郭都水若思祖行實卷後公善推步筭

數隱德君子也

邢臺

天元章會到玄機星曆推來一理齊襄國至今傳異
事門前鴛水亦曾西

龍崗拱木秋風老燕處猶懷隱德尊黃極不埋身後
數青雲今見起家孫

鎮陽新居

行馬門施擁豹幢德威端稱使君堂不應花影潭心

月昨夜分光照客牀一作綠水堂前月綠水海子園堂名

嵇侍中祠在湯陰縣西門外二里

八王雲擾亂中華義士何辜掩戟沙懷惠懦庸猶晉
祚爭教移鼎入牛家
侍中精爽有無間霜葉猶疑血點殷一節見危能授
命陸機回視恐慚顏

沙河道中

昨夜清霜比雪寒彫殘羣木柳宜先朝來信馬沙河
道一一風前翠影圓

西門豹祠在豐樂鎮東南一里

古人辦事笑談中長愛西門禁暴功邂逅馬遷稱善
史不應排比滑稽雄

光武廟

地在栢鄉城北十八里寰宇記云其名壇亭乃帝即位之地也

室袍鎧鳳花紅一體君臣祭祀同前日洛都城下

煙無地認南宮

文淵上將功雲臺英烈儘爭雄可能抵為椒

不在龍姿婉變中

滄陽道中

壘壘遺塚覆園瓊半是高齊與魏陵千古是非全一

盡墓接終為路人憎

王化呂仙翁祠

猶炊一枕回繁華能幾暗興哀仙翁祠下無窮

客不道都從夢裏來

題杜郎中二子字說卷後

燕客儀容雲表鳳，紹宗英秀掌中珠。故家正有新詩句，不到徐卿第二雛。
于公憤獄起高門，積德而昌見後昆。正似紫峰遺澤遠，青衫還有讀書孫。

題劉大用書草虫手卷

動翹飛自一天眼，中風露發清寒筆。端正有坡仙樂，莫作宣和藝本看。

東坡墨戲出新意，八詠復見河陽劉。夢到草堂風露

碧花籬落候虫秋。

格物先須論致知，古人圖史發幽奇。多君夢到周南

出幽

澄洽略無私蟻聚蜂喧任一時正要至誠相
不須臨事涉多疑

宣和寶石圖 九十六葉

雲萬態煥金書染出湖光照坐隅不道漢家規制
泰山磐石是基圖

岳廟謝雪偶題也 至元十六年十二月廿四日

岩峩觚爵動雲霞慘淡陰靈黑帝家恒岳所臨風雨
好不須飛石示雄誇

野老題詩語取工表余精禱與神通爐煙散處雲生
野祝板宣時雪滿空

偶得二絕寄府尹史子華

離離殘雪點山郊
麥壠埋深不見苗
春在草根泉脉

底淡黃先到綠楊梢

人說中山有父風父從眉宇得冲融燈前近閱虞芮
案轉見公明簿領中謂牧羊地議劄等事

曲陽道中

軟紅沙路柳條風雪擁陽坡見曉融細繞嘉山三百
過唐河東北望堯封

癸未年二月九日雪

東皇且莫認來真開折花封占好春一夜雪花深數
寸肯教桃李露精神

幾日輕陰雨氣氲凍殘花柳望春温不知一夜豐隆
意散作銀沙藥麦根

冬寒互過常年節近春分尚凜然暮鴛地雲開風日

好暖於南國賣錫天

大都即事

一資半級到銖分
徃徃超遷越等倫
除目豈徒傷道
念饑寒常有幾千人
薪如束桂米量珠
二月中旬凍未蘇
笑殺九迂金馬客
半年僵卧聽除書
創行敢効木求魚
例進難於上坂車
會取一陽潛九地
春來葭琯氣舒徐

燕都萬壽宮有梅一株每歲移置蔭中逮
春仲方發藏今年得花滿枝雖冰姿的皜
香色髣髴終強顏也戲題二絕以自況六
僊家有術解藏春
蠟蒂雖融凍尚皺
若比百門山下

見強顏還似聽除人

冰姿難倚暖回根人力封培氣始伸
蓓蕾看來雖勉強一枝猶冠漢宮春
時進獻 東宮

即事

無着必須循體例有依便指是人材
區區桃李栽培手恐負東風一例開

朝鐘暮鼓惜蹉跎有例臺除半歲過
不是馬周無伎倆翻來覆去幾常何

都尉王晉卿畫着色山齋圖

坡僊寶墨妙通神都尉丹青要擬倫
欲識淡粧濃抹意髻髮渾似鏡中人

半生翠繞與珠圍不為槐根夢已非
老去紛華心自

得筆端時到野人扉

惠崇蘆雁圖

雪灘風竹映寒塘
水宿雲飛未易雙
不似鴛鴦沙渚
暖翠紅相倚
睡春江

小桃

小桃開徹淡烟脂
不出初春未半時
二月朔風吹石
裂依然憔悴簇枯枝

梅粉飄零柳未煙
一枝春色獨當軒
今年晴得紅苞
拚風雪禁持第幾番

清明節近無旬日
桃蕾含芳又幾朝
今日簷前看春
色一枝纔見褪紅椒

題日者詩卷

侯鯖能掌味能甜舉世看來意欲蕪不似君平安素
履一爐香燼靜垂簾

蔡琰歸漢圖

明妃光寵照龍沙枉說琵琶憶漢家去住兩難心取
苦就中哀怨是胡笳

和劉仲脩見示十首

今歲餘寒過往年東風無奈雪花顛幾時不禁燕臺
酒蹴踏陽春醉十千

野鶴昂藏本不羣剛同秋隼下翔雲近年轉覺謀生
拙半仰公田半賣文

舊城行出入新都驛劄堅求硬聽除馬上相逢還自
笑背行今見兩茅廬

老成

生臺

多少開花不識名

列朝班不厭紛紜
踈鴛鴦入行分
迫年借就抱

勞喜向龍墀拜

聖君

滿帝新詩說遠遷
淮西依例住三年
若從清議先才

恐不多時又着鞭

先聲光動弩臺春
入手行司又一新
長記髯兄相

昧一官同作兩淮人

角霜稜兩劍寒
漳煙都上筆頭乾
十年搏擊秋風

裏蜀棧盤空不覺難

月旦評中見壯圖
不應齊魯揔真儒
別來又爵冰霜

健筆鋒銛似董狐

屋燈清語夜闌一杯長記浣離顏朔風半夜驅車

去詩在寒雲石嶺關

東風剪剪送春寒望望田家惜雨乾無事在家貧亦
好有心行道古來難

虎豹九關圖

九重關鍵錦班圍蟻虱微言詎可知首闢四門明四
目定書深意見宣尼

春夜獨坐

閃閃寒缸照夜昏眼中時事不容論近來鼠輩欺人
踏碎承塵似馬奔

寒冷似深冬曉日空燒海色紅一樹

伴人憔悴倚東風

梁園節序不相饒
正月初旬凍盡消
長記東墻微雨
後一枝紅艷杏花嬌

風物悽涼近禁煙
敵寒無酒客衣穿
楊花揔道多才
思撲亂春衫不當綿

細草根深綠自叢
山桃含凍尚能紅
垂楊可是寒欺
得半為剗中半蠹虫

鞭石圖

洋海求仙已渺茫
又鞭羣石駕飛梁
帝功不出仁和
聖因念元來便作狂

檀州門外觀隰河春水

西山諸水頗瀟瀟
滄合入渾河不自存
昨見春冰繞泮

處滿川都作濁流奔

二月廿八日端門街觀

乘輿還宮

龍煙日暖紫氤氲春水

回鑾萬馬奔纓杖遠揮清蹕後漢儀光動御天門

麗日紅翻御路沙青山回抱漢宮斜

吾皇遊豫諸侯度縱使都人看翠華看一作望

年年原廟薦駕鵝春水秋山例一過安得採時姚右

為

百說湯羅

導纓為旂遠玉輦高象駕雄賜異不

賢思得

鎮國寺觀迎佛

九曜趨降世聖尊象車香滿綺羅塵人傳此技
中宮製上下雙輪轉十人

漢成帝幸張禹第宅圖

王氏當朝久惡譁幸回天鑒絕萌芽恬然不主天人

斷長恨安昌負漢家

孔子曰政事惡譁而善南出李石博物志

與叔謙太常論書

翩翩每愛太常書姿態還同靜女姝儘是淡粧宮閣
樣豈知東抹與西塗

相過閒話味何長字字顏書入品量握手正當吾意
處畫須圓勁體須方

近年書學果誰優說道家休有悟頭意態偶從駢字

得千金駿馬倚山丘

一段殘槍路偶逢開鑪便作鏝鉚工君看玉趙凌雲
來自浯溪慘淡中

鵬雲九萬平原筆望望蘇黃甘下風誰為南唐金剪
手敢將田舍比顏公

篆隸中追三代古風雲重策二王功遺山不見裴旻
帖枉着雲臺詫米堆

雲蛟家廟駭盤拏著作姿容隱畫沙後世若從書法
論混淪磅礴是承家

將軍儼敵銳於虎舍豈能為必勝哉今日遺碑見
筆英姿颯爽漢雲臺

天山飛將指裴旻書到吾顏迥不羣不為策勳

陳至今冠劍氣凌雲

朝叙卑高倒履冠寓書還等義方彈一絨遺草

蚓千古狐狸照膽寒

檢校秋官祿食難顏宗收養半粥饌當時米秉無多
惡李相因書重泰山

小楷東方出右軍丹青難寫是精神孔門弟子多才
藝有若唯能肖聖人

次山歌頌漢文章書到磨崖日並光具眼鹿菴曾有
語筆間元氣搃三蒼

蘇冤截耳般姑節詈賊天津是夫凡斷壁幾行移
帖九泉相值死猶生

雜詩

野人家具取官中適用都輸瓦缶功君是荆岫瑚璉
璞得來纔待費磨礪

較量暮四與朝三初不多爭讓愧慚戀戀不成冊闕

夢劍南才了又湖南

夢歸故國蒼茫外春老風沙慘淡中辛苦西臺臺下
栢不成還作柳花空

昨日清明塵障面今朝上巳却清明老天氣候初無
定敢倚虛名作實行

人家構室要恹懔小木枝撐枋作功汝是連雲棟隆
物得來才費梓人工

萬壽宮芙蓉杏花

三粘瓊露華穠出高枝見化工不着上林春色

底粉香吹滿步虛

滿意春寒強自妍
枝無葉更瀟然
莫誇百葉玲瓏

巧輸與垂楊護暖煙

活色生香貯好春
橫斜燈影似梅君
多情唯有東墻
宋夜夜幽窻夢彩雲


開簇生紅滿故枝
今朝看處雪離披
一春幾日風光
好素影幽香只自知

徽宗畫周靈臺圖

靈沼臺高倚碧霄
當時魚鳥被恩饒
可能積德千年
久盛世看來僅四朝

徽廟初年布政優
丹青揮灑想西周
其
慾橫流
后花石細船墊九州

秋澗先生大全文集卷第二十八



卷二十八

三

開化園書

caihua yuanshu

秋澗先生大全文集卷第二十九

七言絕句

題武元直畫巢雲曙雪圖

千丈雲巢曙雪寒清談誰似二公間
京師三到凡三見夢繞煙林紫翠間

蒼雪亭為劉參政賦

將軍城布有山林亭下雙松鎖翠陰
一夜雪花來點綴蒼蒼特表歲寒心
蒼雪詩成玉局翁左山題扁取清雄
翛然坐對橫枝虜不到東華踏軟紅

過賈左輔墳林

雲陣橫陳賈氏林蒼煙埋沒石麟深
堂堂地下開天

業只聽黃鸝送好音

桃花鷓鴣圖

桃花鷓鴣滿春江
睡暖晴沙夢亦香
何處秋風南去
鴈斷雲寒影不成行

荅楊元甫問

勁於屈鐵無強梗
媚比嬌姝峻潔貞
元甫見詢曾去
荅筆端流潤自圓生

荅劉少卿顏書之問

仙壇郭廟八關文
襄國濠州半籀分
五帖論來皆具
體就中勁潤是殷君

留別簽事張鵬飛

鵬飛簽事以三詩餞行甚有情致但愧襄

123456789

開化圖書館

Kaohua Library

開化圖書館

kaifu library

筠林暮雨

共山山下送征驂
卓水歸時趁醉題
十萬壯夫飄洒處
一燈長記宿筠溪

入定州北門偶得

千雉嚴城鼓角寒
當年韓富倚為安
後人苦笑書儒白
羽風雲屬將壇

雲林曉汲

家住青林杳
靄間瓦餅乘月汲
冷淵山中道士全
椒客煮盡谿頭白石圓

山中雜詩

路回峰轉認山形
周折東來似曲肱
偶倚斷崖南北看
兩鯨挾輔一龍騰

長風吹雨入山門洗淨埃霾面目真領取封靈相敬
意儘堆空翠待詩人

騎乘藍輿步趨宜雨晴龍首有餘姿興來題破蒼苔
石記我青山獨到時

徐童絕觀曉煙蒼盡得東峰草木香鞍口逸西山更
好惜教無力到禪房

山前三院說中溪蕙帳空來夜鶴悲一片短碑堪晤
語宣尼堂下久搢頤

又題鹿菴與王子襄先生手書後

一代高人王鹿菴幽潛來住百門龕詩瓢藥竈當時
支政有先生德不慙

劉齋王讀書堂 在阜城北墻下

當年齊相讀書堂此日金華表佛幢碧色尚餘書葉
草綺疏猶是聚螢牕

平原縣有懷顏太師忠節

羯奴獵火九州空平地孤城與抗雄十七郡兵同日
集奮從吾守倡孤忠

紀右脅誌文

昔相工謂王欽若貌異當貴或云鼻斜何
如曰他日作相自正後果然予右脅有六
紅誌一黑子狀成斗文其黑子終非同色
又遠而不應曲詰至元廿年二月廿一日
因浴出見一紅誌忽生其下遂足成杓狀
吁亦異哉因書此以紀其生發月日云

勝間素有七星文黑誌權杓遠且昏忽出一星為補
正隱然高起更紅温

讀老泉先生審勢審敵二篇

清時無故厲兵刑審勢雖深衆目驚轉首翠筆牽牽
去老泉幾策見來明

二虜先湏一掃清萬方然後論升平周文未免昆夷
患却訝先生以筆爭

赴任濟南前次黃岡作

征車轉轉二旬間泥雨長途備阻艱行近黃岡都忘
却一峰金翠得華山

今年東赴濟南行帶雨拖泥二十程只為此身饑凍
迫幾回辛苦歎勞生

過濟河縣北晏嬰城

一製孤表四十年當時功烈管差有細思歎對崔門
語又見臨機勝趙宣

三士輕生死二桃善謀誰似晏卿豪朝來采邑城
東路欲訪林立掛佩刀

濟河道中

今稱為齊河蓋偶忘點水耳地名取濟
後漢取奔破張布於此
故名

甲子東遊入泰安封壇日觀總躋攀誰知二十年來
後却向齊西看泰山

匡山

匡山說有舊茅廬李白當年此讀書嵐氣宛如
吟醉重野雲時學簡編舒

公堂

亮吏前頭擁簿書
午衙急散日停晡
南山翠倚公堂上
終日相看有若無

九日登歷下亭

當年歷下富村賢
李杜文章兩謫仙
此日風流俱不見
秋煙空濕採菱船

周文矩雷劒化龍圖

圖底幽光見斗間
張華腰領不勝寒
躍淵又作雙龍去
在晉當為變又怪看

飛躍陶梭化葛筇
潛飛無跡與神通
披圖勘迄平事又在雷
公劒室中

右軍書扇圖

偶愛蒲葵扇影寒拈將揮洒動雲煙情知龍躍天門
筆肯與兒童調百錢
王謝當年奕世豪東山清興更滔滔不應經略中興
志留在書名與日高

春閨怨

花落閒庭燕語新東風吹夢濕行雲就中寂是關情
處一寸春光爛錦文爛者爛熳之爛

甲申門帖子

一卮春酒酌門扉入手新年所事宜却愧白頭官舍
底苦無明略佐明時

偶書

人無定志何從好事到難量尚口行一理縱能消百

妾物情其柰正逢迎

周文矩勘書圖

宮槐陰合玉堂清
書葉翻香入細聽
內苑近來游少
太平天子要傳經
鈴索無聲到玉除
一時人物在瀛壺
細看簪盃翻經處
當日安知不有吾
花壓欄干淑景移
一枰閒煞玉堂基
日長政有樂未礙
從容下直遲

周昉畫楊妃禁齒圖

海棠春睡儘紅嬌
苦澀三郎厭早朝
人到愛深無捧心
顰處更妖嬈

題張季雲先生山莊圖

儒將風流素所期
兒時幾讀齊

後喜對張卿賦此詩

却馬巖居是素懷
莫嗟終老未曾諧
天

氣散作恩威
震兩淮

思長本與風雲會
山迥空園水竹幽
說似

望達封勲業
在徐州

公與徐州帥牙吾
荅相得甚驩
官幕府

至蔡改吏部郎中
死沛縣牙吾荅
即盧國瑞

也

樓居春望圖

翠斂雙娥底
事愁不綠
春去落花稠
歸鞍未得朝天
信望斷東風燕子樓

徐熙折技果圖

紫陌春風窈窕歌
昇平花果夢宣和
寫生忽見徐卿
畫碧爛紅鮮發興多

後庭新唱滿深宮
已覺金陵王氣空
畫手忍將亡國
淚筆端秋實染春紅

趙大年雪霽聚禽圖

風雪龍沙萬里行
當時先兆見丹青
不然紈綺豪華
習滿意荒寒落鴈汀
點綴煙林意儘妍
沙洲鳧鴈見荒寒
君看小景都盈
尺展放江湖萬里寬

又題美人却扇圖

饋蘋蘩女所思
春風何意醉瓊枝
畫家解寫

不見樊姬脫珥時

大禹泣辜圖

真淳氣散不復古科條漸似秋荼深道逢胥靡漣湫
泣灼見當時罪已心

陶潛夏居圖

微解筆杜家藏

襟懷嘯傲羲皇上晉宋興亡筆削中千古此心誰會
得颯然時有北窓風

吾廬瀟洒風煙外詩思扶疎樹影中典午廢來何限
事五株楊柳自春風

庭樹交柯綠蔭濃欣然志却草堂空更憐伎稷懷新
處漠漠平疇迤遠風

題李伯時畫陽關圖

霍清甫家藏

晚唐聲教限羗戎才唱陽關慘意濃遠節每矜殷侑
壯略無離別可憐容

別淚重於煙柳兩離愁長似玉關程就中儘是銷魂
處不待聽歌第四聲

題梵隆古畫雅集圖

蘇內府畫上有紹興
今為霍清甫家藏

龍章紅爛紹興文入手休驚玉盃新奎壁細看輝映
處半為元祐黨中人第二句一作內府芸香祕幾春

題杜莘老春融秀嶺圖

三分春事二分空料峭寒生破曉風今日簷前天色

好山嵐全似卷中融甲申春

題李龍眠畫九歌圖

不志君死即休脩辭空說

遊歷山南寺園題其壁

暖煙散處只空崖
俯轍城居亦壯哉
寸出不容濯濯嘆
無材

江貫道盡江山萬里圖

抖擻衣塵整易冠
頭頭終日簿書間
何時一裏飽看江
南萬里山

繁杏錦鳩圖

繁杏梢頭淑景新
錦鳩呼雨雨初勻
儘堪活色生香
裏擁頭雙栖過一
春

過青崖山

上有圓臺幾頃餘
上有老殿公手
株今為大林麓矣

鵲巢東下望青崖
武惠當年幾往來
欲說雄圖中寂

重至今東魯號多才

一作欲
話霸圖應寂
深處相圍臺

過道郎寄時伯威奉安教授名震

宗回望漸微茫茫空翠隨人過道郎三日魯瞻亭上
一樽風味詎能忘

題山谷家乘後

初看喜小康宜州天氣固難量一壺醉倒特柯
古南樓飲恨長

宿東平南衙

曾預幕中籌白首重來却似絳園春睡
聲鶻鳩五更頭

黃石公祠雜詩

指說山頭

祠南翠阜重

都在先生指授中

邑彬彬富碩儒山川英氣未嘗虛
須苦泥

夜半重來覓素書

東阿前金自張萬公高子清鄉侯羊鄉已下進士第者二

此老當年一隱淪後稱黃石恍疑神野人莫詫山間

事洞穴無情草自春

謂黃山洞穴山顛所立石也

良授書來知益竒一時籌策係安危楚人不逐哀歌

散白首空懷抱石悲

千古陳言雜偽真丹青難寫是精神護軍史筆端如

畫地上風雲逐日新

今古文章不自工後人公論見清雄壁間細閱題詩

客笑煞騰騰兀兀翁黃石祠有詩云天其既與赤帝

老後復二兀兀翁騰騰老蓋場紫陽也兀兀翁揚

飛御也二公爭相為已詩者數年遠山間之曰詩

郭將軍巨廟在肥城縣西水里村南山上

土人云巨掌趨熟來此欲瘞其子於村傍

果然余以謂孝忍者也

家窶時供菽水難豈堪孫息共盤餐生理設若全純

孝不念將慈變忍端

水里山頭郭巨祠歲時香火野人思反哺因羨慈鳥

鳥斜日歸飛滿樹枝一作啞啞却羨慈鳥鳥

繼司毅夫韻題野堂壁毅夫名仁

郊居靜有耽書樂客至都忘慊歲災喜向壁間留語
去草堂樽酒記曾來

眼中故友三年別霜後春桑一例灾暫解歲憂談士
樂馬頭遥指野庄來

武惠公故里 在長清西五十里
今稱鶴里者是也

鵲里西連武惠林蒼煙埋没石麟深固應千古桓公
葉長聽黃鸝送好音

遊百家巖雜詩

月池懸溜落蒼窪岩竇分居可百家不羨碧瀾秋色
好倚天驚鷲絕赤城霞

龍鬚草細雪婆娑石樹  碧玉窩欲訪鍛爐懷舊

隱老僧指示隔煙蘿

山居最苦水泉慳
明月池深湧碧瀾
寺仰以清山藉
潤細教螭口瀉
高寒

山煙起處竹林蒼
白鹿崑高半夕陽
長嘯至為鸞鳳
去公和當冠七賢堂

玄髓丹書兩遇難
碧山猶說有仙壇
千年留在嵇康
恨石上清風漠漠寒

亂山合逕排青闥
細路縈紆走白蛇
十里風煙吟醉
底柘園莊北日初斜

清醕蒸杭戶戶香
百門山下喜初曠
太平有象豐年
是翠竹梢頭看簸揚

往蘇門半月過青帘巷
酒當歡不樂何

摠

窩寓形宇內知能

十月山陽黃落秋
陡寒風色娘貂裘
蹉跎非泥林婆
酒更為諸賢一日留

晉隱祠邊落照紅
自來伐木竹林中
且休輕議前賢
輩自執牙籌笑阿戎

王烈清泉在碧巔
當時瓢飲致高年
情知泥髓能充
腹空使人間作笑傳

題朱孝子詩卷

道傍積土作高標
存歿中間慰寂寥
見說一方多錫
類秋風惡木變鳴梟

中古識封高四尺
朱生覆篲到三尋
所憐衰俗頽波
裏能見終喪不匱心

門閭旌異對堂封
春在林墟洩樂中
白首已慚朱子

孝荒阡望入漢堤東

予家三代祖塋夾堤
東西相望凡三處

長至日同李靖伯過高仁甫新居即事

禮義為方邑不多處心極厚已燒訛首從吾輩家風

異其柰間閭鄙俗何

藩籬限隔苦無多徹去寬於四海和昨晚杖歸心適

喜樂於常棣燕時歌

中唐一席間維藩隱眼高於嶺嶂噴愛煞西家高老

子晚紗能暖鶴鴿寒

讀明皇雜事

西內淒涼慘落暉高將軍去事尤危起居聽徹公卿

表淚拭龍袍祗自悲

元日門帖子

堂落有成未思遠慰歲時

近逢季主親

構新年儘笑聲

雖關覺累輕關心有味勝時榮不妨鄉社浮沉
一曲酣歌樂太平

跋醉道士圖

頭傾盡玉雙瓶已醉猶醒百態生若問一中所

樂醉鄉日月自昇平

跋墻間圖

乞食歸來意有餘豈知內子涕沾襦相逢半是墻間
客底用經營畫作圖

跋理宗題馬麟畫折枝木犀圖

花中神品趙昌師又向臣麟見折枝不惜一天風露

潤百杯樓晚要新詩

跋醉漁父圖

浪急舟輕任自由得魚歸去博新菊醉來省記靈均
語獨速煙蓑笑不休

題卜者詩卷

卜筮精微未易通靜能知遠要深功累糧去訪賢師
友喜為題詩送易東

跋徽宗畫百鷺圖

草滿宮池漲碧淵日長靈囿鼓咽咽轉頭百有千飛
地漠漠蒼煙是野田

淺淺溪流碧玉汀風標呈處摠真情圖回不到靈臺
辨與樊川詫晚晴

西伯池臺白鳥多
二南風化到雍和
慕羶只辨丹青
了創守其如宗祖何

乙酉元日門帖子

莫認時榮真福順
休從勢利論人情
願將風日輝輝
氣散作豐年笑樂聲

題德長老夢齡圖

高情千古一坡仙
夢入西堂豈偶然
只著吾家公案
論嗜心將至有開先

脩齡親說夢中傳
寫出梅花樹下禪
更愛鹿菴人品
峻不隨王道守作周旋
麈尾與關
耕半
齋
華

露堂夏日即事

日長人在露堂間
何物相看慰我顏
碧石漱方池湖水

滿一峰蒼翠出君山

題遺山先生手書雜詩後河澗王成之收

文鍵親承聲效餘又從珠璧見遺書常疑落落江山
筆不放奎光到玉除

江鄉雪景圖

勢利嬰兒百尺竿雲臺爭似釣臺閒料應蓬底秋江
夢不到君王物色間

秋江待渡圖

楓林沙步夕陽蒼一棹秋煙待野航江上西風晚多
急行人歸路不須忙

寒林圖

溪山一雪自幽深都付騷人入苦吟最是畫工留意

端瀟灑萃寒林

題水牯圖

姚黃魏紫動遊觀何似田家黑牡丹萬有困倉由尔
出論功消得畫圖看

秋山訪友圖

瀟瀟楓葉映青山詩在風煙紫翠間早晚得歸林下
去一溪秋水伴君閒

闕峙石樓連佛屋灘橫八節走青伊杖藜多是香山
老斜日青山獨徃時

讀後漢西域傳論

世外鴻荒古罕聞角端人語烏椎尊縱橫寂愛宣城
筆理絕人區略不論

角端獸名極壯
大能諸國語

題樂天不能忘情圖

駱馬悲鳴頓玉珂
停杯重聽柳枝歌
做成一段閒公案
轉覺香山長物多

揚柳新聲滿洛陽
樽前風味老難忘
筆端拈出新詩句
似為樊姬作嫁裝

韓白二公老境

日月閒心要破除
香山晚節亦區區
藏詩葺寺皆餘事
猶勝昌黎聚博徒
藉也胡為勸著書
要將斯道濟時須
情知千古潮陽筆
肯作分章摘句儒

太一宮四絕

華表人歸鶴
未來空從雲
氣望蓬萊西

猶記中和手自栽

露濕庭松偃蓋青一聲幽磬隔踈檽多應金簡朝元
罷自炷爐香讀道經

庭樹瀟瀟綠滿廊日長深鎖碧窓涼隔簾遙見秋來
颯一葉輕黃墮井床

漠漠陰風轉石壇長廊踏破碧苔寒呼童撒放松扉
鑰看罷梅花問竹安

倚竹圖

天寒翠袖儘輕盈暮倚湘筠思不勝何異澗阿幽隱
士長材空抱之賓興

遊龍門雜詩一十首共西山名

山到龍門勢轉奇千巖軒豁射朝曦從教馬足徐徐

進正是山紅澗碧時

百丈瑤泓湛碧崖杖藜不到是空迴諸人也解詩人
樂挽葛攀藤一例來

龍門形勝自天開細瀉銀河灑碧崖老我世間塵土
夢百年能得幾回來

直上危巔弄瀑流空濛飛洒翠雲裘看來潭面無纖
翳人道龍泓似炭湫

冷泉飛下碧峰尖蛟杼綃長萬縷織却為夜潭霜月
苦山靈長下水精簾

龍門峽東石嶙峋只有懸流寂可人才到寺臺心已
喜竹梢明處拖天紳

上題詩石上休劉郎勸酒薛郎謳竒探不識風雷

■若比潮陽更款留

■舍策上稜層醉裏陳州羨不勝玄極近南雖峻
絕似君筋力尚能登

■惜登危馬力微歸時風袖喜披披紫煙暖藉青鞋
■坂下蒼陁不覺疲

山喜詩人作晚粧野煙不幻碧峰蒼婆娑醉藉橫坡
草更為山英倒一觴

筠溪軒留題

山川明秀在共西人問其中幾杖藜三十年間還默
數青燈兩度宿筠溪

筠溪溪上好風煙又向幽人借榻眠欲就龕燈尋道
話却成尊酒醉留連

題天慶觀壁

至人心孔有天遊何似歸潛德日休千尺澗松終自
老一菴閒地且相留

擾擾城居足是非靜觀秋水物空齊近年豁盡爭衡
氣卧看虛窓日影西

春畦綠滿桔槔閒吟眺高城有往還不着神光牛背
上時來支笏看西山

闌闌都來掌許中白頭相會幾人同時將一棹如冰
酒傾瀉春風滿太空

題史仲威脩鄧州文廟詩卷

禮殿修完到大成仲威一日得嘉聲却怜吾郡資庠
地二十年來斷不行

題歲寒齋

松栢青青貫四時木中推重為幽波史君特用為齋
榜要見貞心老不移

題東坡手簡

文章大節中所立海岳英靈未易招只為峻高人競
仰有時秦吉作鸚鵡

題山谷手簡

書學推公果若何紆餘全似右軍鵝兩行醉墨南樓
帖一字千金未足多

寄楊參政

紅藥塔前露氣新五花行判舊經綸除章莫厭鈞陶
細散在人間是好春

閑中何物慰窮愁細把調元入校讎
勦破漢中三策意忍從刀筆論
鄼侯

謝太傅奕棋圖

勝負曾中料已明又從堂上出奇兵
怡然一笑文楸裏未礙東山是矯情

秋澗先生大全文集卷二十九

秋澗先生大全文集卷第三十

七言絕句

題蘭氏三桂堂字說手卷

當年山斗仰蘭公此日開封有父風
着眼讀書堂下去又看三桂發春紅
着一作放

題玉局公所畫竹石秋壑家藏

此老何心作此君一技中發錦江春
無窮露葉烟梢意散作先生百億身

關河形勢圖

關河百二控秦頭滿目斜陽獨倚樓
設險守邦湏尚德每多吳起說文侯

秦川展掌華山高千古關河締構牢
早晚去施通濟

手浮航如畫鎖驚濤
壓閑樓上醉憑欄一片黃流入斷山彼索此強俱寂
寞山河空鎖夕陽閑

解鞍圖

川流縈帶燒痕青萬帳風烟色漢營長記散軍郊射
罷丹青圖上看升平

瀟瀟牙帳野河春羽獵歸來日未曛展放畫圖還記
得二年鞍馬過牛群

高空雲迥射鵬還細草平沙困解鞍醉裏清寒將夢
去春風吹雪點旗竿

題黃門飛鞍圖

金錯盤陀絡玉鞵春風飛影下瑤池丹青明見臚傳

意花柳深宮燕八姨

年年十月幸温湯詔給辭臣半驕驕寂見流雲瀟灑
處津陽春色曉蒼蒼

讀唐武后盟紀

秋日花開未足災有瓜無可摘黃臺瑣間辦着青娥
笑爭指朝堂鬼朴來

讀狄梁公傳

魚鱉濶恩徧九坡鳳池春色接鳶臺敝袍不染梁公
血辨作幽囚一聚埃

二馬圖

振鬣長鳴萬馬瘖肯教閑換絡頭金多應縱駕華清
去飛過宮前御柳陰

讀富鄭公傳

奉詔東來止國門悔將威克動嚴宸繞爐不合終宵
眼六丈方知是聖人

玉堂閑適圖

醉岸烏紗殿影東宮花低映酒波紅與來草罷長楊
賦独占高槐洒晚風

滋明瀧酒圖

此圖以氣象筆法較之恐是王雲筆也雲
秦人意匠多偉麗而少雍容余嘗觀斬蛟
及內殿橫吹等圖故敢指此殆雲之筆也
然近代以來如雲之工者亦不可多得云
秋澗老人王惲序

牀頭新釀漉來空清濁君看固不同門外徵車揮已
去秋香籬落醉西風

紛紛葛屨雜華纓何物衣冠可重輕莫若脫來還漉
酒一杯時復聖之清

秫田一粒不霑唇長恐春醪負此巾儘着輕紗渾溼
却尤勝憔悴染京塵

停雲時鳥日從容長在先生醉眼中劉宋禪來非一
事五株楊柳自春風

蒲輪遠聘亦醜恩處士雖微實晉且常愛紫陽書法
當不教輕染寄奴塵

莊宗橫吹圖

郭相西征奏凱還阿嬌歡寵鏡交鸞却嫌暖殿春

風燠玉管橫翻曉吹寒
霸業艱難百戰開侈心何苦溺優俳豈知兩部仙韶
器揔是君王火葬材

繼周南樂見寄嚴韻

長慶詞人興寄長當時元白鬪軒昂江山正有潮陽
筆千古詩壇自一行一作鶴頭昂解教老媪能通曉

典香山
作馬行

莫嗟朝鏡鬢毛霜揔道寒花晚節昌一級散官增正
七三升春酒醉公堂

茆亭秋月

水天上下月微茫冷浸茆亭夜色蒼我欲去尋幽隱
客一天風露靜琴張

括諸山水勢兩分

巽北諸山水兩分山西流注會龍門春東衆壑歸幽
野號作桑乾入海奔

復作詩以贊之

我方引據說空繁到底終無一定言愛殺九峰真具
眼高空直下看中原

寄馬左丞子卿

士達察判行求先容不敢書謹以亂道二
章聊代起居之問且奉一粢云

治道元來有本根聚精都在鳳池春近因拈出中堂
記滿眼經綸半魯人

一別春坊歲五過向來心事總蹉跎遙怜紅藥塔前

露霑丐笋於意最多

學圃亭

崔君隱德老譚經俯仰乾坤一草亭莫為死心親細
事正宜烹煮削蕪菁

拮擗上下任畦丁春韭秋蔬用不勝若向邵生親問
訊瓜田風味勝東陵

明農致事稱周宰抱甕澆畦說漢陰兩事若論為拙
計空拳搏虎更何心

庾郎三韭種來青鄭老秋瓜結已成食肉飯蔬元有
分不應空戀五侯鯖鄭老為瓜州刺史審也

東鄰近接香山里南泖今稱處士涯活計看來元不
惡自鋤明月種梅花

題紅葉扇頭

故宮秋色醉來鮮
浥露吟風雜暮蟬
折得不淨流水
去一枝留伴月中仙
深宮不禁水東流
賦就幽情孰與酬
紅露滿山秋正好
等閑休上建章樓
今年火盛若為攻
眈眈西風一掃空
忽見扇頭紅錦
色上陽秋意滿吳宮

雅歌一十二首并序

雅歌者為丞相武公作也
公經略河南之
三年有

詔士計行臺時權臣承
制威震中外
捩
吻磨牙
婪婪橫噬
凡可以中傷羣辟者靡

不畢至公以大忠至謹乃心

王室斂衆人之責為己責以天下之憂為己憂雖困於跂蹇一身利害略不為恤也蓋欲俾朝廷上存公恕下不失民心為重其大節有如此者竟能感格

帝心恩終簡在自非精忠貫日其孰能與於此哉所謂臨大事處大變而后見其真將真相之度焉因追作雅歌一十五章庶幾流播斯美使後人頌而歌之顧望若神人然其辭曰

讀來黃卷有深功都見平時日用中朝下引車常慕
簡行間拔士每知象

陰闔陽開制摠司諸人何與到傾危微臣有罪

天王聖不患朝廷遠不知

袞冕桓圭極品榮校來得失一毫輕空搏馬搜囊珠

謗終見汾陽貫日誠

天蓄雷風未動威栖栖遵渚歎鴻飛見知正賴

龍潛帝笳鼓歸來有袞衣

萬馬瀟瀟入漢巴行臺東下控中華方思霖雨頌賢

相豈特春風動虎牙

萋菲方成具錦袞睿思熒惑若為開天教中令心

如日几几俄瞻赤鳥來

品彙流形共化權歲寒都到老松邊欺殘太古陰崖

雪始信貞心老更堅

儀比鸞鳳重比山功高心小古爲艱平生幹當江南
事事了身名兩不閑

羣飛鍛翻入且羅棘上青蠅訝許多良玉儘禁三試
火周人坐搆百升歌

尤則憑凌懦則摧秋霜中烈外低徊虎臣刺有回
天力更着闍兒与孽媒

拓境每憂王土窄息有思寺万方休生平戀闕丹心
在風雨何傷一葉秋

身任安危五十年老臣懷抱若爲宣始終正有汾陽
夢不到江湖范蠡舡

長圍破蔡仁聲著積穀吞吳策畫深三十年來分閩
地智名功勇摠無心

長憶中堂掌固初宛陪高步在亨衢百官禮絕真除
日門閣蕭然一事無

釣魚山下護龍旂番塚江邊奏凱歸一馬二僮東下
日路人拭目認征衣

丁亥歲門帖子

坐賈謀生計已癡歸田無力理耕縻一家風雪渾閑
事四海豐穰是素期

汴梁故宮寒食

人家賣酒繞宮池爭插青旗曲作圍簫鼓漸多寒食
近一搏先為典春衣

熙春閣

禁閣當年燕御頻鼎烟未盡慘兵塵土堦三尺節次

底人自熙熙物自春

倚竹圖

錦字挑香翠易顰一枝脩竹立湘裙定情正在冰霜
操下到琴臺日暮雲
粉香沾袖怯輕寒都着幽情寄竹間多是楚山湘水
怨不應空待賣珠還

已丑歲門帖子

大郎赴部應求叙老子傳心要醉經二事儻能如所
願一家編簡有餘青

韓生寤寐春秋學陳孺薰醢室訓文磨礪童孫能寸
進一家春色看祥雲

題頭宗墨竹

撫軍春思到湖文筆底秋筠見本根絕似承華欄檻
看露梢烟葉摠龍孫

堯民圖

日出漁佃日夕歌蠶衣耕食樂天和細思歷象星辰
外帝力於人更有何

已丑五月十五日過王氏祠堂

兩軒梅竹足興哀親見春山手自栽前日問安人不
見翻翻風葉送愁來
兩世規模有遠圖轉頭庭樹影扶踈碩瞻阿大中郎
筆信竟嵇公德未孤

巢父飲牛圖

濁泥常恐污吾牛特地駘來飲碧流縱使許由辭位

去汗顏終是對宸旒

耕田鑿井不知勞長恐逃名未得逃
取喜帝堯平治

事一犁春雨滿江皋

徵庸禪讓兩無心
駟飲時過碧澗潄若見後人牛傳

事入山唯恐不幽深

舜授堯傳兩不聞
取伶牛力晚來新一鞭了却東皋

事賴水箕山分外春

苦訝箕山易所操
雖辭堯讓匪吾曹
桐江江上垂綸

客一樣清風千古高

清明后二日南庄拜掃回偶占

寒食人家節已過
秋千猶在院東坡
今年春日光風

好拜掃歸來笑語多

野叟爭求醉筆新
因書聊歇
杯頻勸農說有新冠
蓋要識君侯是老親

送葬挽歌

高墳焦堯沒荒草
白楊風悲和鬼歎
人生到此是徹頭
一例灰塵無醜好

祖筵纔徹哀號起
翠柳多儀殯蒿里
向來送者各還家
冥冥獨卧黃泉底

人世何短白髮多
駒隙光陰不奈何
才見春風吹草綠
又看庭樹葉辭柯

人命輕微如薤露
百年歡樂能幾度
森森鬼伯若來催
相將共入黃壚去

哭聲交慘簫笳咽
樹架增嚴縞素餘
昨夜高堂猶暖

熱今宵荒野恨何如

相將執紼送華輶
母子恩深哭不休
報德不銷埋石
痛低空還有斷雲愁

方相擊凶魂攬馬
問里親知滿中野
只知哀挽送行人
相看誰是長年者

細君推氏哀辭

神情減自女
孀捐病後支持又八年
最著老懷悲悼
死猶知惜盡義錢

性姿貞靜伯姬恭
四十三年好夢空
一闕夜臺無復
見悲聲留在白楊風

歛來三夜夢
平生明說先姑已
侍行喪祔有無能
戚了何須易治太經營

中堂北隩挂殘魂
恋恋情思在子孫
奉祀更當嚴在
日忍令哭臨限
朝昏

水西原上有新塋
三世親喪力助成
一旦夢隨
先妣去有知當慰未忘情

繞過彌誕無旬月
遽變辭容只兩朝
室罄暗留嵩菊
細黛蛾空見遠山遙

營葺貧家鵲有巢
百年心事憶同牢
空餘深夜回溪
月獨見凌波采澗毛

六十難爲大折悲
百年倚老是同期
篋衣滿意遺鄰
在空中結纓襦九十儀

病倚中房望大兒
娟娟心目已難支
豚腫帳影魂衣
聞腸斷燈前擁髻時
暗用通德悲野田荒草事

去年扶病上新塋
歌管杯盤水曲亭
今日重來人不見
杏花零落柳條青

素棺已蓋鋪丹旒
舊物難窺瘞玉臺
冉冉縱隨仙馭去
姍姍猶憶夢中來

將持仲子庶同嫡
主葺貧家儉作豐
存歿較來無少憾
正緣余厄致終凶

恩榮頗浹魚軒貴
祿食同霑石窠田
忍死最怜相叩問
六旬之上有餘年

舒徐委悅澣餘衣
能盡桃夭灼灼宜
四十三年中饋地
懽然宗祖饗多儀

團團香火坐庭闈
欲話平生氣已微
生死慮來真大事
幾回含笑說先歸

逝水碧縈長寢地
畫簾香黯送時車
閑窓不待粧奩
感遺恨空存禱嶽書

百年同穴是同期
一病彌留秋草萎
垂老境中成死
別九泉相見話真知

緡錢灰冷過黃昏
閃閃寒缸閉閣門
只有此生來夢
裏幾迴含泣認離魂

健婦治家勝丈夫
維君真與健同符
半生黽勉公家
事一米私門不類吾

勸余過飲省文思
切戒無多酒後辭
翁媪老來惟我
尔百年門戶要扶持

蘭枯蕙槁不禁風
一夕吹香入殯宮
把酒試澆橋下
水不容將恨到湘東

當餐愁對齊眉案，升屋空留復魄衣。誰遣兩行知已
淚，浪浪併向老來揮。

薦繁人去露堂空，內助功多想肅雍。說似老莊休鼓
缶，固無形氣柰情鍾。

壺漿朝奠愴蒿蒸，露濕衰衣半淡痕。每囑兒童莫歸
早，水邊恐有未招魂。

忘懷無似老莊盆，便作何知委路塵。詩到悼亡能自
釋，情文相稱是安仁。

祔殯親遷葬百泉，父謀銘誄入瑤鐫。君須少候無多
恨，行見貞珉表墓前。

長筵拜慶諸姬上，隨宦名邦二紀間。秋入池臺芳徑
歇，春歸庭院落花閑。

行來古禮不多難，含斂珊瑚歲淚潸。
莫訝初終無佛事，此心求在有無間。
衣衾棺槨無遺憾，親戚悲哀有至情。
二十三年庚子月，西河原上奠先塋。

李早蕃馬圖

群奔角壯任郊垆，已入罕頭莫力爭。
惜取蹄間三丈逸，望雲秋計鐵山程。

跋藍關圖

潮陽英氣凜中天，愁絕南荒瘴海烟。
不道生還陰有相，自陳哀表亦堪憐。
晚風吹雪下關頭，點綴行人去國愁。
展盡畫圖還自惜，七閩南下即潮州。

題趙克敬遺安亭

襄陽苦節說龐公趙氏貽謀意與同肯羨東隣驥榮
貴轉頭歌舞盡堂空

趙生卓爾見青衿及長行身稱克欽爲問遺安安所
止一家鴻鵠住高林

題張氏致樂堂

生前救水儘餘歡身後追思世所難誰似考城張孝
子至今供具絜盤餐

刻楠丹楹燕寢新食前方丈處華裯一杯不及慈顏
樂負米終慚李路貧

壽萱亭

葵丘張氏孝無遺終歲承顏着彩衣入戶儂然親不

見一簾風月澹春輝

凱風吹棘棘心柔罔極恩深痛莫疇不羨潘興花滿
縣一枝金鳳儘忘憂

潘店早發

一鞭行色旣闔道過處人多說險夷忠義此心能自
信風波前路不須疑

儀封

三代漸民道義深抱關疇匪大賢心披雲縵遂瞻依
願便解天教振鐸音

睢州道中

馳傳北經梁孝苑垂鞭東過宋襄城征人折盡隋堤
柳風捲枯蓬逐馬行

亦堤

近自汴州開夾道遠連淮甸卧長虹若論往返行人
便道在勞民却有功

寧陵縣早發

殘缸斜照耿孤懷夜久吟餘氣頗諧睡暖不知霜力
重起看梧葉滿庭堦

蕭相國廟

海寓清澄入帝圖忍將牛渴飲泥汚不思世教從中
降得約秦苛意儘都

聞畸人話芒碭山事

芒碭山遠鬱蒼蒼斷口雲連十里長兩段素蛇今化
石至今神異說高皇

望碣山縣有感

裴劉起義晉陽宮三百年來立國雄一旦剪夷無噍
類厲階誰想在全忠

宿州道中

辟寒須酒多難飲數埃前征覺易行前去維揚猶七
百黃雲衰草宿州城

樓子店道中

汴溝已是荒亡跡湖石重開禰亂基徽煬較來同一
病九泉相見不相嗤

敗盟無策更開邊万石移來起艮山天意故遺亡國
恨兩堤秋草卧孱顏

虹縣道中度長直溝

望入綏寧接楚雲
老婆山遠界溝鄰
小河河上淮東地
萬頃黃蘆不見人

渡江

生平夢寐瓜州渡
此日風煙指顧間
却恨中流風浪惡
雄觀應欠上金山

潤州甘露寺達為火焚掃地

望空北顧無雙寺
行入西津第一州
江影隔山搖素練
行雲和夢瑣朱樓

桃源圖

劉君卿索賦

洲明旣號葛天民
流水桃花到処春
明見筆端閑寓興
武陵休若婦漁人
東來連舸泛長湖
兩鬢冰霜儘瘁癯
偶值漁郎心已

媿更堪三復武陵圖

浙西到處武陵溪
稍涉幽深路便迷
始信避秦元寓
說淵明遺世厭羈栖

虎丘寺

真娘誰爲惜
娉婷李白題詩在竹亭
洗鵬班金縷
盃細烹泉眼較中冷

姑蘇館夜雨

吳亡越霸兩蝸爭
朔吹翻江恨未平
一夜不眠思往
事姑蘇臺下雨連明

宿寒山寺

借榻僧窓夜氣清
梅花香細燭花明
鐘聲不取唐人
例一覺安眠徹五更

伏生授書圖

遺書灰冷散飛煙老喙重宣即粲然三策竟從名數
說穎川方寸殆虛傳

題醉隱墨竹

清溪映竹竹連雲冉冉晴梢醉墨新却為歲寒心事
苦煖烟濃淡要橫陳

露梢風葉喜晴春醉掃吟看卧竹根欲見此君生意
盛滿川煙雨半龍孫

西湖

一湖碧水山三面滿眼樓臺堰一條只為近年荒廢
又花無容色竹無慘

飛來峰

西湖廢撤無多景靈隱莊嚴有勝幽扶杖冷泉亭上
看日斜猶爲此山留

靈隱寺

山緣松竹煙光潤寺倚峰峦地位雄凭檻忽驚靈鷲
上世間真有化人宮
旋開僧牖觀山罷閑逐遊人看寺迴買得兩錢乾菓
子步穿經洞引猿來

錢塘

噫流無壯浙江潮刀削銀塘甃石牢三十里長九兩
用旣防崖路障驚濤

錢塘西岸

市接接望無三里嶺嶂回環自一川曉日人家炊爨

罷竹籬香滿碧松烟

人家邸閣絡江臯十室看來四五逃閑向老人詢所以近緣軍過苦相搔

富陽縣會江樓

山光簇簇無連嶂江水瀾瀾漲碧瀾何處風烟見真境富陽樓上倚闌干

富陽道中

兩浙風煙入富春眼中形勝開一樽不吸江山淥笑煞桐庐把釣人江山盡裏看清雄魚稻鄉中樂歲豈不是釣壇壇上客未能忘此就三公

早過新城黃山鎮二首

水無絕壑山無麓春麥收來秧稻穀行穿松逕看烟
巒一段碧紗籠水玉
奧溪引作長畦浸宿霧空濛破墨山馬上不知行役
倦村村都在畫圖間

白峯嶺

儀曹苦厭為山囚霧幃烟幘看未休行過白峯三十
里桐廬江上重回頭

七里灘

桐廬江水綠於藍兩岸山攢碧玉簪前去釣臺猶數
里兩峰竒石見巉巉

共惜殘年得遠迂豈知天意却相憐筆頭少得江山
助便遣空迴亦愜然

嚴州道中

高盤山頂下深淵馬足長驅不易前
幽鳥背人飛去速一聲津鼓突江煙
叢叢吳岫煖烟生峽束奔江徹底清
斜日篙師催進棹三灘難上要雄撐

蘭溪縣女步道中

豫樟蔽日無黃落竹笋經霜更碧鮮
記取江南光景異煖烟晴日是冬天

三河道中

龍丘風土類中原兩勢山開百里川
白鷺水田摩詰畫桃花溪洞武陵舡

龍游道中

路入龍游不見山縱橫阡陌穀江邊穿籬臘笋如槍
藥夾道寒花似火燃

龍游道中聞鴈

避寒來趁稻梁肥水遠山長結伴稀已是江湖遠行
客一雙猶自向南飛

西安道中衢州屬縣

西安荒惡路清寧水泂山行夜不停却為近來山寇
發大明猶未撤閑高

紫溪嶺

紫溪梯嶺一層層况復鞭羸帶雨登頗笑此山巖行
迹世人曾不峻為稱

昔杜止軒告予云揚西庵談諧俠黠之雄者也

世人不知其然不肖何有竟負天下滑稽之名
揚何深而僕何淺也予謂分水與紫溪嶺亦然
分水雖大平而易登紫溪雖小峻而難陟今世
人以大安至險可畏為言而紫溪略無聞焉其
與揚杜頭晦初不殊也

車盤嶺大雨中上嶺

時沾窮臘天多雨路轉巔崖險可驚辨着壯心時叱
馭兩程併作一程行

武夷山朱文公書院在焉

紫陽集裏已曾遊此日輕舟過山 搢衣不獲拜遺

祠武夷一棹空回首

建陽道中二更到縣

山谿流急遠聞聲月暗林深信馬行衆宿斂芒南斗
大半天驚看六星橫

謝朱詠道

山長來訪

名嶺

今為

故縣經兵廢不存考亭依舊泰山尊南來有幸猶親
炙得見先生四世孫

八仙驛

難峻渦旋陟下危施師招處和聲齊八仙驛畔山如
畫一掉清風下建溪

劍浦

湛湛雙溪劍浦秋張華祠下更深幽神兵不斫奸臣
去真是蛟龍亦可羞

李延平道南書院延平名侗晦庵師也

延平劍躍蛟龍窟
涪澹灘危灩澦堆
二事聽來皆野語
道南書院重裴徊

高桐道中

梅花如雪小桃紅
夾道脩篁翠幄濛
折得一枝春在手
蠟香吹滿馬頭風

上水舡

亂石叢堆積鐵然
湍流翻雪沸涸洲
半崖匍匐人如蟻
百丈驚看上水舡

叔洋

鐵喻篙師紙喻舡
上灘元比下灘難
難傳呼緩棹蘭撓
去路入叔洋要細看

蒼峽道中 雨後看雲

滿嶺閑看雨後雲空濛
踈薄盡難真蒼山巧露
都著銖衣掛法身

蒼峽鎮雨夜

地連吳越已夷蠻
蒼峽東南更二千
鄉夢不成非野
宿雨聲還向客牕偏

摩天嶺

寒雲直上看高層
峻極諸山莫與京
不作閩清具瞻
物摩天空擅最高名

秀才嶺

西登盤上卧羊坡
東降平穿谷口
蘿為問蒼巔高幾
許微行人指樹頭過

水口

山路捱來僕馬瘠
方舟南下頗安舒
催搖柔櫓嫌曠
黑行趁漁燈一點孤

小箬

冬陽暖透征衣燠
溪曲寬從水口開
夜半朔風吹月
墮
臘寒還逐早潮來

湯池

湯泉為說盡唐庚
一脉溫從地氣生
滌淨世塵初不
汚
根源方信本來清

甘蔗洲

山明溪靜絕纖埃
望際川原四面開
忽訝兩涯風浪
湧
舟人云是海潮來

雨中江行望甘蔗洲

方舟搖颺櫓聲齊
細雨遶窓看岸移
望入蕪洲何眇眇
靄靄江平抹白烟
癡

懷安縣

縣依溪曲兩岡間
翠竹晴沙轉雪灘
前去郡城饒候
近官儀多是夢中看

總題

無窮山轉青龍峽
不盡溪蟠碧玉漉
西自鎮江南抵
福三千里路略相同

義門任氏詩并序

燕雲風土雄碩故其俗純厚多以孝友稱御史
蘭君寶臣屢談於余吾鄉有任著飛卿者樂讀
書其家義風尤為昭著至三世同爨御鄰化而

慕之願得一言發越其微因賦二詩于以見蒸
蒸所自且勉夫錫類不匱之心焉

燕雲任氏世同居和氣薰然樂有餘春在紫荆庭樹
底綠陰初不見扶踈

一門高義冠鄉鄰累葉相承揀萼春不學張公書忍
訓友于元自孝心純

秋澗先生大全集卷第三十

開化圖書館

Wahua library

印

開化圖書館

Kaichua library

趙

開化圖書館

Kaichua library

開化圖書館

Wakuhwa library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres

Inches

秋澗先生大全文集


八

開元圖書館
Kawana Library



開化圖書

Kaishua Library



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color